



Finansira Evropska unija



german
cooperation

DEUTSCHE ZUSAMMENARBEIT



EU4Business

Za konkurentnu i inovativnu domaću ekonomiju
For competitive and innovative local economy

Br: 02-02-9-1027-02/2020

Datum: 10.09.2020.

Vanjskotrgovinska/Spoljnotrgovinska komora Bosne i Hercegovine (V/STK BiH) u partnerstvu sa INTERA Tehnološkim parkom i firmom iNAF doo implementira projekat pod nazivom „EXPO-CERTinno – Podrška bh kompanijama u internacionalizaciji, certificiranju i inovacijama”.

Projekat „EXPO-CERTinno” sufinansiraju Evropska unija i Savezna Republika Njemačka putem EU4Business projekta koji zajednički provode GIZ, UNDP i ILO, a u okviru Strategija lokalnog razvoja – Programa za lokalnu samoupravu i ekonomski razvoj u Bosni i Hercegovini Saveznog ministarstva za ekonomsku saradnju i razvoj Republike Njemačke (BMZ). Cilj projekta „EXPO-CERTinno” je povećanje konkurentnosti bosanskohercegovačkih kompanija iz sektora metaloprerađivačke i drvoprerađivačke industrije putem savjetodavne i tehničke pomoći kako bi, između ostalog svoje proizvode uskladili sa regulatornim zahtjevima EU tržišta (EU direktive, CE označavanje i sl). Usklađivanjem proizvoda koji su predmet ovih direktiva, bosanskohercegovački proizvodi dobijaju direktan i nesmetan pristup tržištima zemalja EU što će bh. kompanijama stvoriti mogućnost povećanja izvoza i otvaranja novih radnih mjesta.

Jedan od glavnih projektnih aktivnosti se odnose na pomoć kompanijama u pripremi tehničke dokumentacije za proces certificiranja. S tim u vezi, V/STK BiH raspisuje

JAVNI POZIV

bosanskohercegovačkim kompanijama iz sektora metaloprerađivačke i drvoprerađivačke industrije za pružanje besplatne savjetodavne usluge u usklađivanju proizvoda sa EU zahtjevima i CE označavanju

1. Predmet poziva

Predmet Javnog poziva je pružanje **besplatnih** konsultantskih/savjetodavnih usluga za maksimalno 6 malih i srednjih preduzeća iz sektora metaloprerađivačke i drvoprerađivačke industrije u Bosni i Hercegovini kojima je potrebno usklađivanja proizvoda sa EU zahtjevima i/ili CE znak za plasman proizvoda na tržište EU. Cilj pružanja ovih usluga je podizanje konkurentnosti bh. proizvoda i povećanje izvoza.

Nakon odabira ciljnih kompanija, osoblje V/STK BiH i konsultant će kompanijama pružiti besplatnu obuku koja će sadržavati sljedeće elemente:

- identifikovanje EU direktiva relevantnih za proizvod kompanije,
- utvrđivanje harmonizovanih evropskih standarda,
- priprema procedure za usklađivanje proizvoda sa relevantnim zahtjevima EU direktiva i standarda,
- analiziranje sadržaja tehničkog dosijea (TD) za proizvod i pomoć pri pripremi tehničke dokumentacije,
- priprema riziko-analize za proizvod,
- priprema izjave o usklađenosti,



Finansira Evropska unija



- pomoć kod izbora ispitne laboratorije/notificiranog tijela.

2. Uslovi učešća u Pozivu

Pravo učešća imaju kompanije koje:

- se primarno bave preradom metala i/ili drveta,
- imaju sjedište i obavljaju djelatnosti na području BiH,
- su izvozno orijentisane,
- imaju odgovarajuće ljudske resurse (tehničko osoblje) koji će prisustvovati obuci i uz pomoć konsultanta pripremiti neophodnu tehničku dokumentaciju za EU standard/CE znak.

Prednost će imati kompanije koje posjeduju sistem za upravljanje kvalitetom (QMS) i članice V/STK BiH koje redovno izmiruju obaveze članstva.

Projekat bi trebao završiti najkasnije do 30. juna 2021. godine do kada bi sve kompanije učesnice trebale biti spremne za postavljanje CE znaka ili sastavljanja izjave o usaglašenosti proizvoda.

3. Kriteriji za odabir

Ocjenjivanje i selekcija prijavljenih kompanija biće obavljene prema sljedećim kriterijima:

- a) veličina kompanije (obim proizvodnje, obim izvoza, broj zaposlenih),
- b) stepen finalizacije kandidovanog proizvoda,
- c) stručnost kandidovanog projektnog tima,
- d) posjedovanje sistema upravljanje kvalitetom,
- e) izmirivanje obaveza prema Komori.

4. Obaveze kompanija u okviru Projekta

Odabrane kompanije će u okviru Projekta imati sljedeće obaveze:

- da nabave tekstove neophodnih standarda (ukoliko bude neophodno);
- da plate troškove ispitivanja/testiranja proizvoda i angažmana notificiranog tijela (ukoliko bude neophodno);
- da obezbjede angažman vlastitog tehničkog osoblja što uključuje prisustvo obuci i zajednički rad sa konsultantom (maksimalno 10 dana).

5. Način prijavljivanja i neophodna dokumentacija

Za učešće na ovom Javnom pozivu potrebno dostaviti sljedeću dokumentaciju:

- popunjen obrazac za prijavu (Prilog 1),
- kopiju bilansa stanja i uspjeha za 2018. i 2019. godinu, i
- potpisanu izjavu aplikanta (Prilog 2).

Navedenu dokumentaciju potrebno je dostaviti putem pošte na adresu:

Vanjskotrgovinska komora BiH

Branislava Đurđeva 10

71000 Sarajevo

sa naznakom "Prijava za učešće u projektu EXPO-CERTInno (certificiranje prema EU standardima)"



Finansira Evropska unija



german
cooperation

DEUTSCHE ZUSAMMENARBEIT



EU4Business

Za konkurentnu i inovativnu domaću ekonomiju
For competitive and innovative local economy

Krajnji rok za dostavu prijava je **25. septembra 2020. godine (do 16:00h)**

6. Ostale napomene

Sve dodatne informacije u vezi ovog Poziva zainteresovani mogu dobiti u V/STK BiH na telefon 033/566 -235 ili e-mail tarik.kovac@komorabih.ba

Nepotpune i neblagovremene aplikacije se neće uzeti u razmatranje!

S ciljem jačanja ekonomije BiH, EU4Business potiče razvoj poduzetništva, izvozno orijentisanih sektora, turizma i poljoprivrede, kao i ruralni razvoj. EU4Business je vrijedan 16,1 miliona eura, a zajednički ga finansiraju Evropska unija (15 miliona eura) i Savezna Republika Njemačka (1,1 miliona eura). EU4Business zajedno provode GIZ, ILO i UNDP, od aprila 2018. godine do marta 2022. godine.

EU4Business je dio programa Lokalne razvojne strategije - Programa lokalne samouprave i ekonomskog razvoja u BiH, koje podržava Federalno ministarstvo za ekonomsku saradnju i razvoj (BMZ) SR Njemačke.

Za više informacija o EU4Business projektu posjetite: www.eu4business.ba.

Prilozi:

1. Prilog 1- Obrazac za prijavu
2. Prilog 2 – Izjava aplikanta